

光緒十八年

孔山府集

善化章經濟堂重刊

江苏工业学院图书馆
藏书章

孔少府集題辭

魯國男子孔文舉年大於曹操二歲
家世聲華曹氏不敵其詩文益非操
所敢望也操殺文舉在建安十三年
時僭形已彰文舉旣不能誅之又
不能遠之並立衰朝戲謔笑傲激其忌

怒無啻肉餒餒虎此南陽管樂所深
悲也曹丕論文首推北海金帛募錄
比於楊班脂元升往哭文舉官以中
散丕好賢知文十倍於操然令文舉
不死親見漢帝禪受當塗盜鼎亦必
舉族沉焚所恨者其死先操狐鼠晏

行攘袂之日天下遂無孔父仇牧耳
文舉天性樂善甄臨配食虎賁同坐
死不相負何況生存盛憲困於孫權
葆首急難禰衡謝諺淪落下士抗章
推舉今讀其書表如鮑子復生禽息
不沒彼之大度豈止六國四公子乎

而道窮命盡不能庇九歲之男七歲
之女天道無親其言不信猶黨錮餘
烈哉陳畱路粹中郎弟子也呈身漢
賊奏殺賢者與馬融役於梁冀等耳
東漢詞章拘密獨少府詩文豪氣直
上孟子所謂浩然非耶琴堂衣冠客

滿酒盈予尚能想見之

婁東張溥題

楚東漢書

楚東漢書

孔少府集目錄

表疏

薦禰衡表

崇國防疏

上書

薦謝該上書

上漢帝書

奏宜准古王畿制書

上三府所辟稱故吏事

奏馬賢事

對

東海王祭禮對

教

告高密縣立鄭公鄉教

脩鄭公宅教

告昌安縣教

下高密恤鄧子然教

答王脩教

又

書

與曹操論盛孝章書

與曹操論酒禁書

又

與曹操討烏桓書

報曹操書

答虞翻書

與韋甫休書

又

與王顯書

與張紘書

又

喻邴原書

與邴原書

與諸卿書

與宗從弟書

與許博士書

論

汝穎優劣論

聖人優劣論

又

周武王漢高祖論

議

馬日磾不宜加禮議

肉刑議

碑

衛尉張儉碑

詩

離合作郡姓名字詩

雜詩二首

臨終詩

六言三首

失題

附錄

本傳

孔少府集卷全

漢魯國孔融著

明太倉張溥閱

表疏

薦禰衡表

劉勰云文
舉之薦禰
衡氣揚於
飛

臣聞洪水橫流帝思俾乂旁求四方以招賢俊
昔世宗繼統將弘祖業疇咨熙載羣士響臻陛
下獻聖纂承基緒遭遇厄運勞謙日不惟嶽降
神異人竝出竊見處士平原禰衡年二十四字

正平淑質貞亮英才卓犖初涉藝文升堂覩奧
目所一見輒誦於口耳所暫聞不忘於心性與
道合思若有神弘羊潛計安世默識以衡準之
誠不足怪忠果正直志懷霜雪見善若驚疾惡
若讐任座抗行史魚厲節殆無以過也鷙鳥累
百不如一鶚使衡立朝必有可觀飛辯騁辭溢
氣全通解疑釋結臨敵有餘昔賈誼求試屬國
詭繫單于終軍欲以長纓牽致勁越弱冠慷慨
前世美之近日路粹嚴象亦用異才擢拜臺郎

衡宜與比如得龍躍天衢振翼雲漢揚聲紫微
垂光虹蜺足以昭近署之多士增四門之穆穆
鈞天廣樂必有奇麗之觀帝室皇居必畜非常
之寶若衡等輩不可多得激楚陽阿至妙之容
賞伎者之所貪飛兔騁馭絕足奔放良樂之所
急也臣等區區敢不以聞陛下篤慎取士必須
効試乞令衡以褐衣召見必無可觀采臣等受
面欺之罪

崇國防疏